



**JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL**

KOMUNIKADU IMPRENSA

Loron :19,10/2007

**DEPOIMENTUS SASIN ARGUIDOS MEMBRUS F-FDTL NIAN
BA KAZU 25 MAIU 2006**

Tribunal Distrital Dili kontinua rona depoimentus husi testemuñas husi arguidus membrus F-FDTL ba kazu 25 Maiu 2006 ne'ebe rezulta membrus PNTL nain 8 mate no vitimas barak mak hetan kanek. Julgamentu Rona depoimentus ne'e hahu husi testemuña superiores husi instituisaun Militar nian iha loron Tersa-feira (16/10). Superior Militar sira ne'ebe maka hato'o ona sira nia depoimentos iha loron Tersa-feira maka hanesan, Brigadeiro Jeneral Taur Matan Ruak no Chefe Estodu Major Koronel Lere Anan Timor.

Iha loron Kuarta-feira (17/10) ba kazu hanesan tribunal kontinua rona depoimentus husi testemuña arguidus sira nian liu-liu ba komandante sira ne'ebe maka hatene no rekoñese insidenti dia 25 Maiu 2006 ne'e. Hanesan julgamentu dala hirak liu ba, iha julgamentu rona depoimentus ida ne'e Tribunal fahe ba sesaun rua. Sesaun primeiru halo julagamentu iha dadersan no sesaun Segundu julgamentu halao iha loronkraik. Iha sesaun primeiru tribunal rona depoimentus husi sasin arguidus sira nian nain tolu, (Major Maukalu, Major Domingos da Gama, no Major Jose da Costa Soares).

Bainhira Juiz fo tempu ba Defensor sira hodi klarifika konaba sira nia ejizensia iha 23 no 25 Maiu, dala barak sasin sira fo respostas katak sira rona duni informasaun tiru malu iha dia 25 Maiu maibe sira laharee ho matan tanba iha loron ne'eba sira laiha fatin akontesimentu. Sira balun iha Fatu-ahi no balun fali iha QG-PM no F-FDTL nian iha Kaikoli. Sira ne'ebe maka iha QG -PM no F-FDTL Kaikoli konsegue rona duni kilat tarutu no balu halai sai buka abrigu hodi salva sira nia-an tanba hetan tirus husi parte QG-PNTL nian. Sira mós deklarata katak lahatene kolegas Membrus F-FDTL sira ne'ebe deit maka ba iha edificiu Ministeriu Justisa nian.

J SMP

Rua Setubal, Kolmera, Dili – Timor Lorosa'e
Mailing address: P.O. Box 275 Dili, East Timor
Phone: +670 (390) 323-883

E-mail: info@jsmp.minihub.org - Internet: www.jsmp.minihub.org

Hatan ba perguntas ne'ebe mai husi Defeza konaba insidente 23 Maiu iha Fatuahi, sasin Mjr. Domingos da Gama "Amigo" haktuir ,“ iha 23 Maiu grupu Mjr. Alfredo ho membrus PNTL halo embuskada iha fatuahi tiru ami nia maluk ne'ebe maka mai Dili atu simu sira nia osan. Iha insidenti ne'e ami nia maluk membrus F-FDTL nain rua maka hetan tiru, Rai Ria kanek no Suku Nakles ikus mai mate”. Konaba kazu Fatu-ahi, sasin Jose da Costa soares no Domingos da Gama kompleta, “ ami iha loron ne'eba iha hotu Fatu-ahi hodi reforsa ami nia maluk F-FDTL ne'ebe maka sofre embuskada”. Konaba saida deit maka sai nu'udar evidensia iha fatin akontesimentu, sasin esplika, “ ami iha tempu ne'eba dezarma kareta rua ne'ebe grupu Alfredo husik hela hodi halai liu, rompe anti bala rua, Minokulu no Kaixa monisoins.

Osorio de Deus, Peskizador Juridiku iha JSMP ne'ebe halo monitoriamentu ba prosesu julgamentu ne'e hateten katak iha julgamentu fo depoimentus ne'e lao ho diak no lalais liu, maske dala ruma iha lia notas a'as husi testemuña balun tan deit Juiz fo perguntas litik ba sasin sira nia rekoñesimentu iha kazu ne'ebe refere. Tuir JSMP nia observasaun, Prosesu ne'e lao lalais tanba kuaze sasin sira ne'e la involve diretamnete iha insidente 25 Maiu iha edificiu Ministériu Justisa nia oin, nune'e mós iha julgamentu ne'e laiha perguntas barak maka hato'o husi Prokurador no Juiz.

Timotio de Deus, Diretor Ezekutivu JSMP Nian, apresia teb-tebes ho prezensa Lideres Nivel altu husi Instituisaun F-FDTL nian iha Tribunal. Tuir Timotio, asaun kooperativu husi lideres Nivel altu F-FDTL nian ne'e ajuda teb-tebes parte Tribunal nian hodi prosesa lalais kazu 25 Maiu 2006 ne'ebe agora lao dadaun tuir Rekomensaun husi Komisaun Inkeritu Espesial Independente ONU nian ne'ebe publika sai ona iha fulan Outubru 2006. Timotio espera katak sasin sira hotu ne'ebe naran iha lista sasin nian ne'ebe hatama ona iha prosesu bele banati tuir ezemplu diak husi ita ninia lideres hirak ne'e atu bele fasilita Tribunal hodi bele buka verdade material ba Prosesu Kriminal ne'ebe prosesa dadaun.

JSMP

Rua Setubal, Kolmera, Dili – Timor Lorosa'e
Mailing address: P.O. Box 275 Dili, East Timor
Phone: +670 (390) 323-883

E-mail: info@jsmp.minihub.org - Internet: www.jsmp.minihub.org

Atu hetan tan informasaun kontaktu:

Osorio de Deus

Peskizador Juridiku

E-mail: rio@jsmp.minihub.org

Ou

Kontaktu direktamente:

Timotio de Deus

Direitor JSMP

E-mail: timotio@jsmp.minihub.org

Telf. +670 3323883

JSMP

Rua Setubal, Kolmera, Dili – Timor Lorosa'e
Mailing address: P.O. Box 275 Dili, East Timor
Phone: +670 (390) 323-883

E-mail: info@jsmp.minihub.org - Internet: www.jsmp.minihub.org